

Curs de preparaziun al maridé 2016/17: al é bel sègn da ciafé te dlijia o te colonia i jorantins cun i termins por chisc cursc.



En mertesc, ai 15.11.2016 complèsc **Zilia Costisella Daprè** da Anvì **92** agn y **Pire Miribung** da S.Linert **82** agn, en jòbia ai 17.11.2106 **Gustl Costner** da Pedraces **94** agn, en vèndres ai 18.11.2016 **Angel Pitscheider** da Ruac **89** agn. L'Seniorencub y düta la Comunità ti aoda dütt l'bun, sanité y benedisciun de Dî.

Ciastègnada: la **Uniun dles èles** invièia dütes ala tradizionala ciastègnada en mercui ai 23 de novèmber dales 19:00 tla pizzeria San Leonardo. Prenotese pro Roberta al nr. 338/3852548 (nia danmisdé).

Caritas: dèr bel giulan a chi che a porté i sac dal guant, chi che a daidé ciarié, mené inant y desciarié la racoiüda di sac.

Christkindmärkte cun Taxi Vico: sabeda, ai 26 de novèmber a München y mertesc, ai 29 de novèmber a Desproch. Por informaziuns y prenotaziuns cherdede le nr. 335 6116528 o info@taxivico.it

Seminar: „Die heilende Kraft des Lachens – Lachyoga“ cun Veronika Eschgfeller, organisé dala Uniun dles Patrones SBO, te 2 sères (14 y 21 de novèmber) a S.Martin tl salf di studafüch. Informaziuns y prenotaziuns al nr. tel. 0474/590026.

Grup „Atmosfera“ por èles y èi cun problems psichics, se incunta por **depenje sön sèda** cun Irina Tavella. Ai se abina ai 17 de novèmber tla sènta dl Raiun Sozial a Picolin t'l'alzada a tera. Al é ciamó posc lèdi y informaziuns ciafèise al nr. 339/8557964. Düc y dütes é dèr bel inviá.


Grup di Jogn: sciöche vigne ann, organisèia indò i grups di jogn SKJ de Südtirol, la venüda de calèndri d'Advènt, sot al tema "Avède le coraje de ester contènc". Ci che vègn trat ite dai calèndri, che gnará venüs por 5,00€ ai 19 y 20 de novèmber do Mèssa sön plaza de dlijia, jará ala Caritas por daidé families de Südtirol che n'á debujègn. Giulan.

“Bezirksbäuerinnentag 2016“: dütes les patrones dla valada é inviades en sabeda ai 19 de novèmber dales 09:00 a Bornech tl Michael-Pacher-Haus. Organizaziun SBB Bezirk Pusteral.

Impressum: Ploania Badia, redaziun Cristina Frena

Comunicaziuns cina jòbia sèra a parrocchiabadia@libero.it o frenocris49@gmail.com

Download plata: www.valbadiaonline.it/comunite/ploanies/ploanies/ploania-badia.html




Plata dla Ploania

Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**

UNITÉ PASTORALA



www.unitepastorala.org

Ann C 13.11. - 20.11.2016 XXXIII Domènia dl Ann n. 51

Domènia dla CARITAS



**Wir müssen
füreinander
dasein, weil
Gott uns
gezeigt hat,
daß er für
uns da ist.**

(Elisabeth von Thüringen)

Vangele dla proscima domènia - Festa de Crist Re

Luca 23,35-43

Te chël tèmپ é l i surastanc dl popul che coienâ Gejù y dijò: D'atri ál assá daidé, sègn déssel se daidé instès, sce èl é le Messia prelitè de Dî. Deboriada cun Gejù á ince condüt dui ladruns al suplize. Ai é rová söl post ch'an ti dij Col dla Crèpa. Dailò á metü èl y i dui ladruns sòla crusc, un a man dèrta, l'ater a man ciampa. Mo Gejù periá: Pere pordoni, deach'ai ne sa nia ci ch'ai se fej. Spo á trat ala niza y á partí sò sü guanc danter èi. La jènt stò dailò y ciarâ pró; ince i surastanc dl popul le coienâ y dijò: D'atri ál assá daidé, sègn déssel se daidé instès, sce èl é le Messia prelitè de Dî. Ince i soldas le coienâ, ai é jüs pormez a ti sporje ajèi y dijò: Sce t'es le re di iüdes, spo sàlvete instès! Sura so ce èl na tofla cun l'iscriziun: Chèsc é le re di iüdes.

Un di ladruns, taché dlungia d'èl sòla crusc, le coienâ: Ne n'este nia tò le Messia? Dailò dèidete instès y ince nos! Mo l'ater l'á cospeté y á dit: Gnanca tò n'as timur de Dî, ester che t'es dl medemo destin? A nos nes cuncel le dèrt: i ciafun le paiamènt por nüsc fac; mo chèsc n'á fat nia de tort. Spo ál dit: Gejù, pènsa a me canche te röies te to règn. Gejù ti á respognü: Amen, i te diji: Ciamó incö saraste cun me te paraisc.

FUNZIUNS SACRES

13.11. 33^a DOMÈNIA dl Ann C – Domènia dla Caritas

- 10.00 Mèssa por la Comunità • oferta por la Caritas •
15.00 Festa da Bato
18.00 †ta Gerda Schulze Irsara – aniversar
†ti Bertoldi
por fam. Sandro y Emma Costa

15.11. Mertesc - S. Albert

- 19.30 †ti Tone y Rosina Pitscheider
†to Richard Costamoling
†ta Erna Nagler

16.11. Mercui *Mèssa cun i scolars dla elementara*

- 07.30 †to Paul Frenademetz
†ti dla fam. Delueg
a d'intenziun

17.11. Jöbia *Mèssa cun i crejimá y crejimanc*

- 19.30 †ti Zilia y Otto Adang - aniversar
†to Otto Clement
†ti Alfarei de Andrac

18.11. Vëndres – S. Martin

- 07.30 †ti Bertuolo
†ti Emma y Emil Pitscheider
por les animes dl purgatore

19.11. Sabeda – S. Elisabeta de Ungheria

- 16.00 Mèssa a Oies

20.11. 34^a DOMÈNIA dl Ann C – Festa de Crist Re

Festa de S. Zezilia

- 10.00 Mèssa ciantada por la Comunità
18.00 †ta Carmela Thaler
por fam. Davide y Tarina Campeï en reingraziamënt
por fam. Carlo y Irma Tasser en reingraz. a S. Maria

Dala VITA dla CÛRA

Stlùta la porta dl Ann Sant


Cun la proscima domènia, de Crist Re, vègnel stlüt jö l'Ann Sant dla Misericordia. Al vègn invié a tigní na funziun de reingraziamënt por les grazies dla bunté de Dî y por les bones operes che nos un porvé de fá, por mostré al monn la gran Misericordia de Dî.

Al é vèi, chèsc ann s'á porté de bi mumënc de reconziliaziun, de pordonn y de pesc. Ponsun ince al bel pelegrinaje dles Cüres dla Val Badia y de Gherdëna, ala „porta santa“ da Porsenú.

Nos, en domènia sèra, orun stlüt jö la Mèssa cun la oraziun dl Ann Sant y la benedisciun eucaristica.

Siur Degan

Chèsta domènia, ai 13.11.2016 ciafa l'Sacramënt dl **BATO** i mituns:




Julian de Stefan Valentin y Barbara Verginer
Janpaul de Francesco Perot y Claudia Campeï
Luis de Egon Vittur y Lucia Tasser
Liam de Roberto Palazzi y Yvonne Canins

Ai pici che tolun sö cun ligrèza te nosta comunité y a sü geniturs les mius audanzas.

Senioreclub: al se abina en mertesc ai 15 de novèmbër dales 14:00 te Ciasa dles Uniuns olache siur Franz Sottara zelebrièa na santa mèssa. Spo él les infermieres che fej la proa dl zücher y mosóra la presciun y dedò na picera marèna. Oressun invié dër bel duc a gní, ince chi che n'é mai ciamó gnüs.

Consèi de Cûra: en mertesc ai 15 de novèmbër dales 20:00 se abina le Consèi de Cûra nü por nominé le President y mèt sö i grups de laur.

Oraziun de Taizè: en vëndres, ai 18 de novèmbër dales 20:00 a Oies.



Incuntades por la Crejima:

en jöbia, 17 de novèmbër dales 19:30 a San Martin, tl Istitut Micurá de Rù, cun Markus Felderer por i **geniturs y toc** di mituns y mitans che se preparèia al sacramënt dla confermaziun.

En lünesc ai 14 de novèmbër dales 16:30 tl' Aula Magna dla Scola Mesana a La Ila **por crejimanc y geniturs di paisc dl Comun de Badia** cun la jona Sara Moling da Lungiarü che cuntará de súa esperiënza de volontariat tl Brasile y tl' India.